

KERATAN AKHBAR

(Bahagian Canselori)

Surat khabar: Utusan Borneo (Tempatan)

Hari/Tarikh: 29/3/2016

Muka surat: 4

Tajuk : MDS terus kukuhkan kerjasama dengan UNIMAS dalam perkongsian kepakaran

## MDS terus kukuhkan kerjasama dengan UNIMAS dalam perkongsian kepakaran

**KUCHING:** Shell Middle Distillate Synthesis (MDS) Sdn Bhd (Shell MDS) terus mengukuhkan kerjasama dengan Universiti Malaysia Sarawak (UNIMAS) dalam perkongsian kepakaran yang memberi manfaat kepada kedua-dua belah pihak.

Pengarah Urusannya Liang Kok Siang berkata kerjasama dengan UNIMAS telah terjalin sejak tahun lalu dalam beberapa perkara.

“Kami (Shell MDS) dengan UNIMAS telah menjalin kerjasama sejak tahun lepas dalam pembangunan praswazah dan pascaswazah UNIMAS.

“Usaha yang kami lakukan menjurus kepada peluang kerjaya termasuk peningkatan kemahiran insaniah dan pendedahan kepada prospek kerja di Shell,” katanya.

Liang berkata demikian ketika ditemui selepas mendatangani MoU dengan UNIMAS yang diwakili Naib

Canselor Profesor Datuk Dr Muhammad Kadim Suaidi sambil disaksikan Setiausaha Kerajaan Negeri Tan Sri Datuk Amar Mohamad Morshidi Abdul Ghani di Kompleks Wisma Bapa Malaysia di sini, semalam.

Mengulas lanjut, beliau berkata kerjasama penyelidikan dan pembangunan teknologi diharap dapat memberi keuntungan kepada kedua-dua pihak.

“Dengan termeterainya MoU ini, kita berharap kerjasama ini kukuh serta memberi manfaat kepada Shell dan UNIMAS dalam usaha pembangunan dan projek,” ujarnya.

Liang menambah, pihaknya turut mewujudkan peluang latihan untuk kakitangan dan pelajar yang layak.

Selain itu, Shell juga menyediakan anugerah khas kepada pelajar-pelajar yang mendapat pencapaian cemerlang.